



Босна и Херцеговина
Агенција за идентификациона
документа евиденцију
и размјену података



Bosna i Hercegovina
Agencija za identifikacijske/identifikacione
isprave/dokumente, evidenciju
i razmjenu podataka

Broj: 15-03-16-5-30-32/19
Datum: 21.6.2019. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. Zakona o javnim nabavkama („Službeni glasnik BiH“, broj 39/14) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08) direktor Agencije donosi sljedeću:

ODLUKU **o izboru najpovoljnijeg ponuđača**

I

Najpovoljniji ponuđač u postupku javne nabavke avio-karata i usluga organizovanja putovanja, objavljenom na *web* portalu Agencije za javne nabavke Bosne i Hercegovine, broj Obavještenja: 1110-7-2-20-3-17/19 od 4.4.2019. godine, i provedenom u skladu sa postupkom konkurentskog zahtjeva za dostavljanje ponuda, je ARS TOURS d.o.o. Banjaluka.

II

Poništava se Odluka o izboru najpovoljnijeg ponuđača broj: 15-03-16-5-30-26/19 od 11.6.2019. godine na osnovu koje je GOBOOK d.o.o. Visoko izabran kao najpovoljniji ponuđač u postupku javne nabavke avio-karata i usluga organizovanja putovanja.

III

Ova odluka će se dostaviti ponuđačima u roku od tri (3) dana, a najkasnije u roku od sedam (7) dana od dana donošenja.

IV

Ova odluka stupa na snagu danom donošenja.

Obrazloženje

Na osnovu provedenog postupka nabavke, Komisija za provođenje postupka javne nabavke je konstatovala je da je rok za dostavljanje ponuda 14.5.2019. godine do 10:00 sati, te da su do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigle tri (3) ponude i to ponuđača CENTROTRANS-EUROLINES D.D. SARAJEVO, GOBOOK D.O.O. VISOKO i „ARS TOURS“ D.O.O. BANJALUKA. Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, a nakon provedenog postupka analize i ocjene ponuda i *e-aukcije* izradila Zapisnik o pregledu i ocjeni ponuda, u kojem su detaljno obrazloženi razlozi za izbor najpovoljnijeg ponuđača, te je ocijenjeno da su sve dostavljene ponude prihvatljive.

U skladu sa prijedlogom Komisije, Agencija je 11.6.2019. godine donijela Odluku o izboru najpovoljnijeg ponuđača broj 15-03-16-5-30-26/19, te o istoj obavijestila ponuđače, a najpovoljnijeg ponuđača, GOBOOK d.o.o. Visoko, pozvala da, u roku od pet (5) dana, dostavi dokumente kao dokaze o ispunjavanju uslova u vezi čl. 45. i 47. Zakona o javnim nabavkama.



Od GOBOOK d.o.o. Visoko su dana 14.6.2019. godine, na protokol Agencije, pristigli originali ili ovjerene kopije sljedećih dokumenata: Potvrde Suda BiH da protiv njega nije izrečena pravosnažna presuda za krivična djela organizovanog kriminala, prevaru, korupciju i pranje novca pred Sudom BiH; Uvjerenja Opštinskog suda u Zenici da nije pod stečajem, niti je predmet stečajnog postupka i postupka likvidacije; od Poreske uprave Federacije BiH Uvjerenja da nema dospjelih a neizmirenih obaveza po osnovu doprinosa i Uvjerenja da nema duga po osnovu javnih prihoda, te da nema obaveza prema poreznoj evidenciji; kao i Potvrde banke da mu nisu bili blokirani računi.

Međutim izabrani ponuđač nije u skladu sa članom 45. stav 1. tačka d) dostavio dokaz da je uredno izmirio dospjele obaveze u vezi sa plaćanjem indirektnih poreza, te se na osnovu navedenog postupa je u skladu sa članom 72. stav 3. tačka a) Zakona o javnim nabavkama, gdje je propisano da se prijedlog ugovora dostavlja onom ponuđaču čija je ponuda po rang-listi odmah nakon ponude najuspješnijeg ponuđača u slučaju da najuspješniji ponuđač propusti dostaviti originale ili ovjerene kopije dokumentacije iz čl. 45. i 47. Zakona, ne starije od tri (3) mjeseca od dana dostavljanja ponude ili zahtjeva za učešće, u roku koji odredi ugovorni organ.

Analizom ponuda, nakon okončane *e-aukcije*, primjenom kriterijuma najniža cijena i odredbe člana 72. stav 3. tačka a) Zakona o javnim nabavkama je utvrđeno je sljedeće:

Najpovoljnija je ponuda ponuđača ARS TOURS d.o.o. Banja Luka sa ukupnom cijenom usluge nabavke avio-karata i organizovanja putovanja u iznosu od 9,25 KM sa uračunatim PDV-om, odnosno 7,91 KM bez PDV-a. S obzirom da ista u ekonomskom i tehničkom smislu u potpunosti zadovoljava zahtjeve ugovornog organa predloženo je da se donese odluka o izboru najpovoljnijeg ponuđača.

Na osnovu svega navedenog, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a što se u žalbi navodi kao povreda zakona i podzakonskih akata od strane Agencije u postupku javne nabavke. Žalba se izjavljuje u roku od pet (5) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem Agencije, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

X 

DIREKTOR
Dr. sc. Arif Nanić

Signed by: ANANIC
дигитално потписано / digitalno potpisano / digitally signed